




10

T 3205/6604.82







昭文縣志卷十

列傳 列女

劉子政傳列女兼淑慝以明勸戒范史因之但採其才行高秀者亦不必專在一操也顧婦人不尚他才行不幸而有以自見節而已又不幸則節而烈志家必備著之其未嫁而守節者歸熙甫所謂賢智之過亦足以矯末俗得附見焉閨門事重前志所載具錄無遺事跡畧同者但書其姓氏詳見常熟志中可參考也新增者各按居地無複出

哈佛大學漢和
圖書館珍藏印

宋

名系志

卷十

列女

周虎母何氏 事詳周虎傳中其封感義郡太夫人誥詞有云慈親白髮共誓丹心以春秋九十之高相為督戰無首鼠二三之志迄有成功旋又移封永國

元

錢珍妻顧淑清 元末之亂珍舉家欲往避江陰時珍前妻邵遺子友安淑清生子虎俱在襁褓行至強家

灣力不能全乃謂珍曰長子不可棄遂棄虎抱友安得入城七日兵退而歸後生子友仁友義皆成立

論曰何顧之行何則奇偉非常顧為人情所絕難標為賢

母之首後有繆熊妻崔氏以壽登百歲而載其他皆早喪

所天者間有一二不在此例而書仍前志也

齊億妻邱端一 子淵之女億為子淵家贅婿早世端一守節靡他張士誠兵突入槍中子淵脇死端一大

罵投水死

某人妻某氏 本貴族通文翰元末兵亂某父母與妻皆遭掠某聞以身贖父母歸兵欲污妻遂殺某妻佯曰

當焚我夫乃從汝兵焚某時妻潛以釘畫瓦上云吾夫吾夫乃遭無辜感君大孝以全舅姑吾為之妻其心如何乘

此烈焰生同科書畢投火中兵急挽之已焦爛矣併殺之

明

朱珙妻張氏 年十八夫亡兄潛許龔姓者誘歸要諸塗張聞計駭然適遇鄰舟因挾老嫗匿其中得返遂引

針刺傷右目示無他志龔誣訟於縣知縣唐禮廉得其實懲龔之強嘉張之節

某人妻某氏 弘治辛亥歲大饑某鬻其妻與賣錫者得錢三十弘治辛亥歲大饑某鬻其妻與賣錫者得錢三十

呼某遂投水死錢仁夫為聞於撫按稱曰三十七文烈婦

王永妻張氏 年二十五夫亡無子舅姑欲嫁之張掩戶自經家人救止剪髮斷指自誓至八十四歲

某人 龔姚二志俱作李祐妻盧氏如臯人夫避役來居白茆市授徒以給盧與女並有姿色有蘇松兵備道

役張島見而悅之島時幸於本官李某藉勢兇暴羣黨相倚島欲以盧為妾以女與其黨乃誣其夫為盜酷刑使承以無贓獄未具島遂沈其夫於海中盧聞之袖刀向女痛哭曰奈何女曰有死而已引頸受刃女死盧亦自刎島倉皇焚二尸埋骨後圃嘉靖十七年巡按陳蕙廉得其實治島及其黨如律聞于朝詔建二烈祠祀春秋唐順之記昔人論女子從一於夫比於臣從一於君之義自古奸人篡竊而其故臣不幸以才見籍錄於斯之時彼有棄取用讐之圖而我有一擊以誅讐而復國若王司徒之于卓段司農之于泚此其勢逆而其事之難以必者也彼有棄瑕用讐之圖而我堅委質策名之誼其心寧死而不二其君若豫讓王蠋之說此其勢順而其事之可以必者也二者所處不同而其要于自盡則一也是故生也而無迂身于徼倖之嫌死也而無自經于無濟之愧女子之于夫則亦有然者嘗讀詩所載孫翊妻事而壯之當二兇貪于翊妻之色而殺翊也妻既見窘逼于是藏機匿哀陽許二兇以婚而緩其期陰結故將為援須二兇以婚入而遂刃之雪不共之憤于閨闈杯酒之間斯亦可快矣若夫二烈之事則異于是其夫以羈旅浮寄江壩非有可以豫藉之勢環而指者

皆兇人之黨也非有肘腋可結之援方張島之誣其夫以盜而沈之於江島遂欲室其婦而島之黨欲室其女于是婦與其女倉皇闔門自刃以死嗚呼可謂烈矣雖然二人者豈不欲手搵讐人之胷如孫妻之為以報夫與父哉而勢有不能也則一死而其事辦矣故嘗合孫妻與二烈之事論之苟機有可乘而速忿以必死則殺身而無益苟事無可濟而濡忍以有俟則危逼而近辱此亦其所處不同而其要于自盡則一也二烈死時兇黨哀其尸而焚之其事秘無人能發之者後數年巡按陳君蕙詢得其事島與其黨始伏辜此蓋足以見節義之氣有時而必伸淫兇之誅有時而必不能逭也歟二烈者固不必手搵讐人之胷而後為快矣事既白于是知縣羅君鴻為之立祠以祀扁之曰二烈而無錫安君如石請余為之記嗚呼此義行不特所以勸節其亦深所以懼兇也歟是有一關於世教大矣

楊氏 生員簡之女遭倭亂自投水倭去簡救之水濱稍甦倭復至竟赴水死

蕭氏 生員仕之女遭寇冠欲污之蕭即自刎刃去刃可從寇信而去之蕭即自刎

陳某妻桑氏 遇寇攜十歲女投水死三日日出

徐傲妻朱氏

孀居值倭亂攜子敬德女招細及妾楊婢閨秀住唐市母家倭粹至失敬德朱顧女曰我嫠婦汝處子不幸罹此惟有死耳遂同女沈澤中妾婢隨之後敬德覓至死所命漁舉網忽四鯉躍起遂得四尸朱與女猶相抱如生巡按周如斗旌其門

錢氏

封刑部主事體仁之女嘗割臂肉救大母趙病值倭亂體仁匿女農家倭躡其旁女恐污及遂投水家人挽出無何以臂瘡潰卒

金孝

細訥之女母包姪五月而訥卒遺腹生女故名孝細包後欲改嫁孝細歎曰十七年冰霜一旦委地從母不若從父地下遂衣麻自經於靈几前

王某妻張氏

年三十而孀家貧甚日不再食屋茆為風捲恐雨漏著棺往母家乞稻秸數束母憐之以微言諷張拊膺曰母奈何以貧故謂女有他心哉歸以苧線易錢市雞酒奠訖自經棺側時嘉靖二十八年重陽日

陸茂妻錢氏

茂病瘵瘵一日茂謂錢曰我病殆不起汝年少無子且貧無依可改適無以我為也錢泣告曰

一女無事二夫者君其勿憂先是父母因茂貧病已有異議錢默喻其意即謝絕不歸至歲餘茂病彌篤家貧日甚錢不得已乃歸告父母乞升斗負還而茂已卒哭之慟具甌飯盂羹祭畢縊死尸旁宣德十年三月六日也令楊子器建顯微祠祀之

朱一鴻妻張氏

家貧甚閉戶紡績一鴻歸相對莊如也久之益困一鴻復遠館出張借織於鄰有惡少宗周者一壘居塘頭鎮一鴻復遠館出張借織於鄰有惡少宗周者悅其容色為俚語挑之曰有妻若是忍令困極耶張聞之慙甚亟移織他所周夜撼其門樞張呼鄰鄰亦呼乃止明日周操豚酒袖多金以啗鄰是夜二鼓周操刃入室徑擁持之張號泣疾呼髮被面頭觸瓶盞盡碎周錯愕而去張誓曰不自殺何以雪恥遂積薪卧其上火之肩背焦爛宛轉十六日以死時萬曆二年六月二十四日張年三十三也有司上其事置周於法建祠予祭

宗境妻徐二細

彬之妻境有疾富人何文炯欲娶之兄伯楫陰主其謀糾錢省誣彬於縣捕彬及境夫妻拷掠二細不勝冤憤自經死炎天經月顏色如生知縣楊連按律正罪

郁某妻王氏 年十九歸某無何某患瘋別寢王悉力調護者數年某心德之欲為擇良配以報語之故王泣

曰妾事君無失德君何至於此今夕請同衾雞鳴蹴起之已自經死

范五昌妻姚氏 五昌年少游遨破家一日有冶郎驀入內室向姚曰吾實而夫許我來也姚大叫得脫遂

赴水死時年二十

浦氏 浦位之女守貞不辱投河死奸兇唐壽伏誅崇禎丙子耐祭盧氏二烈祠

譚文煥妻陸氏 夫亡時年二十九慟哭自刎姑奪其刀迨蓋棺時欲投身入棺棺蓋壓斷二指終七日索

刀不得以釘刺喉而死事在萬曆甲辰崇禎時表閭

陳剛妻錢氏 年二十八剛死子十齡守節至五十七歲卒洪武十六年旌

季益妻李氏 年二十五益死無子守節至六十歲卒洪武十六年旌

陳守恒妻陸淑貞 年二十七而寡子繼宗甫四歲正統三年旌

吳本妻林坤 字德貞年二十二夫亡守節養姑姑沒無依居弟衍家至七十二歲正統五年旌

錢承恩妻周氏 弘治間旌

龔泰妻張氏 撫子松中正德庚午舉人嘉靖元年旌

陳復妻鄒淑清 復以事戍雲南卒淑清時年二十四守節至八十四卒正統九年旌

吳克存妻陳氏 年二十五夫亡孝事舅姑教子淳中正統戊辰進士官御史正統十二年旌

王永仁妻莊氏 年二十而寡至九十一歲卒正統十三年旌子蘭正統辛酉舉人

朱亮妻陳氏 亮兄昌妻錢氏兄弟 役至京相繼卒二孀各一子一女俱在襁褓 誓守節亮子鉉仕至御

史天順四年陳奉旨旌至八十 四卒錢亦以壽終鉉建雙節堂

錢悅妻徐氏 年二十七夫亡養姑撫子後子奉建貞訓堂天順八年旌

錢鎡妻包氏 年二十六夫亡作已壙示志教二子謙遜俱成立成化元年旌

蔡克溫妻凌氏

早寡方懷妊姑欲令改適不從越六月生子紳養姑教子孝慈並著成化五年旌

郁汝濟妻戴氏

韋秦妻張氏 二人俱旌 見鄧志

郁蒙謙妻陸氏

年二十六夫亡 成化六年旌

徐元亮妻曹氏

年二十七夫亡二子澤濟俱幼脫簪珥營葬 辛勤教子澤中成化甲午舉人成化六年旌

錢景暘妻鄒氏

年二十七夫亡守節至 七十餘歲成化六年旌

顧希秀妻胡氏

雙鳳鄉人年二十一生子甫三月而 希秀卒胡以全節終成化十一年旌

蕭綸妻顧氏

年二十餘綸卒遺子晨在襁褓撫教 之由貢生任德府紀善嘉靖中旌

御史朱鉉妾葉氏

鉉年四十無子納葉生子紳而鉉尋卒 葉時年二十誓不改志壽至八十旌

論曰從一之義妻妾一也或以妾故卑之豈通識哉春秋

重嫡妾之分及乎節義所在在人自立耳生非名族少無

姆教而能秉禮守義以終其身竊以為尤可尚云

徐伯妻湯氏

年十九而寡撫子明德為 寶源局大使詔旌其門

王湖妻錢氏

無子勸湖買妾盧有身而湖卒後三月生子 錢鞠養踰於腹出萬曆十四年旌年八十餘

仲補之妻錢氏

嫁踰年而寡舅繼歿家日落或諷之錢 悲號自誓閉門焚修萬曆十五年旌

蔣棻妻季氏

棻卒時年二十六撫孤世卿為 諸生孫以忠成進士疏請得旌

徐裕德妻葉氏

年二十七夫亡閉戶自經姑解之始甦 撫孤待揚為諸生萬曆二十四年旌

生員陳欽明妻華氏

年二十五而寡子繩武僅彌月舅官廣 東華秉家政門庭肅然舅歿家難四作

華割田房讓之怡如也萬曆甲 午繩武舉鄉試三十四年旌

周鏞妻王氏

鏞早卒撫二孤又相繼夭誓死不移鏞 父某命以其弟球之子嗣之萬曆間旌

錢順理妻徐氏

嫁未期而寡以死自誓父母微諷之曰夫死 而無後柰何徐曰忍死以待應為後者曰待

列女

六

之而不得則柰何曰待之而不得我則死之待之而得不得未可知而或有異圖也我則亟死之父母知其志決乃不復言鍵一室長齋事佛其沒也羣從皆有分曰我先姑之後也其敬順惇睦知道理如此萬曆三十四年旌

生員韋福謙妻郁氏

天亡無子或謂郁將何守郁鬻指自誓辛勤養姑喪葬盡禮天啓元年旌

舉人聞武妻顧氏

武早卒遺二子東昌東榮先卒昌舉進士尋卒女亦少寡母女司守荷旌表

宗時妻章氏

年二十八而嫠攜孤孟依其父教之中武舉歷武岡淮安漳州武職提學御史史學遷題旌

李謨妻謝氏

年二十七而寡遺腹生子延祖守節教子復教其孫德懋成立崇禎間旌

錢世臣妻王氏

年二十而寡方嚴有禮法守節五十年崇禎四年旌

平陽令陸崇禮妻王慕貞

崇禮卒于官忍死撫孤成立崇禎四年旌

生員錢世顯妻徐氏

年二十四夫亡子謙貞幼三姑皆篤老者一哭孫及孫女者三垂盡之年又哭二子其為節之苦如此崇禎七年旌

嚴樸妻金氏

年二十四夫亡崇禎七年旌

趙祖美妻王氏

崇禎間子中書舍人王世懋履上疏請旌云臣母王氏故太常少卿王世懋之女歸臣父監生

趙祖美適臣祖吏部侍郎用賢卒臣父不勝哀痛溘焉早逝臣母時年二十七生臣兄弟姊妹六人家貧孤苦不能自存而上念祖父祭祀下憫臣等無人撫育乃忍視息辛勤拮据二十餘年臣今得官禁近若復以內舉引嫌則臣母一生苦節闇沕不揚或謂臣母已沾一命之榮不應復與庶民節婦例邀旌典則是反以臣之微末掩臣母大節不孝之罪懼更莫追而于聖朝孝治之大亦似有闕伏祈敕下所司一體旌表庶臣烏鳥之私藉覆載以不置臣母冰蘖之操荷日月以永光詔表其閭

沈嘉猷妻陳氏

年二十七夫亡子踰甫三歲女嫁程音亦早寡母女同居守節崇禎十七年旌

吳文暉妻姚氏

年二十四守節至八十四歲崇禎中旌

宗彞妻陳氏

夫亡時年二十一姑老子幼孝養慈撫值歲祲嘗遣子裔昌貸米拾一遺簪歸陳感然命至其

所候還之一日旋風吹墜二絹于道陳曰無妄之獲非我所願且失者必多冤誣訪之則染家方意其傭盜去得此釋然其志節類如此至康熙二十三年始旌

王瑞龍繼妻戴氏

年二十而寡砥節四十年撫嗣子曰俞與其孫澧同科登第至順治十六年始旌

黃尚廉妻徐氏

二十九歲夫亡撫八月孤婢僕少壯者悉遣之宗族有憐而飲助者悉拒不受與妯娌居

動必以禮至康熙十八年始旌

已上旌表

殷興益妻陸氏

父德卿無子贅興益為壻洪武間德卿夫婦相繼病死興益亦卒節婦攜二孤托疎族鬻

簪珥以營葬祭或惜節婦苦勸改適以資二孤節婦曰聞資其志矣未聞資其身也二孤稍長力營以養母竟全

其節

劉伯廣妻周妙堅

從伯廣戍鳳陽年二十八伯廣卒後赦歸奉姑教子至八十三歲卒修撰張洪銘其

墓

張容妻陳淑鼎

年二十八容卒教子震成立修撰張洪立傳

王迪妻蘇妙真

年二十二而寡子甫周歲將斂自經以殉家人馳救乃甦服除人聞其賢欲娶之妙真引

刀斷左一指以示志終身不御華飾至七十七歲

尚書夏恕妻鄭氏

廉使金之妹恕河南人自刑部尚書出為四川布政死遜國之難鄭没入指揮家為

婢指揮欲以為妾不可固強之乃佯曰吾尚書夫人事不可苟必擇日行禮方可至期則截兩耳以貽之指揮驚啓

蜀府命隨其願乞為尼以終身

金伯雍妻蔣氏

年二十歸伯雍生二子璠璞既而伯雍之父坐累戍廣寧屯伯雍謂蔣曰父行戍子能安

居乎我從父于戍汝奉姑于家各盡其職毋相念也時璠五歲璞始生蔣藉世業幸不廢墜舅夫皆没于戍養姑以

天年終守節四十餘年教二子皆成立修撰張洪為立傳

戈廷輝妻鄒氏

年二十二而寡守節壽六十七歲

李景中妻徐氏

景中以知曆被徵未任卒徐時年二十六子寅甫七歲後寅死於盜撫孫承宗又死撫曾孫應夔應虞俱登科入仕凡守節六十

朱伯昂妻蔡氏

年二十九夫亡子森甫醉處奉舅姑教森成立

何以敬妻陳氏

以敬久疾語陳曰君無憂二親之養在妾也勿以汝邪陳泣曰君無憂矣以敬卒陳時年二

劉士達妻張妙慶

年十九歸士達越九月士達戍雲南卒父母曰汝年少無子而遭變柰何妙慶曰夫死遠方妾不得殯斂已為天下罪人矣又敢有他志守節至八十五歲

程廷珮妻吳氏

年二十一廷珮卒生子甫三月服闋舅姑以

中書桑瓊繼妻程蘭

生子克孝瓊卒蘭祖洪憐其年少迫令改志蘭擗踊嘔血三日不食而卒時年

二十
六

陳宣妻桑素貞

宣以割股救母致疾卒素貞時年二十二越六月生子數孝養舅姑葬祭成禮年七十餘

葉凱妻桑素安

即素貞妹凱患風癩一日獨行久不歸素安抱女素金投水衣冑樹得不死凱庶弟欲專其產先令人竊其奩資夜又偽為鬼聲恐之素安因往居嫂家疾革屬

秀金曰我今六十餘死亦何恨第汝父無子歲時幸令汝婿一澆其墓與姊素貞嫂程時稱桑氏三節

曹信妻項氏

年二十夫亡舅姑父母相繼沒依從子昂居苦節至八十七歲

錢靜學妻陸氏

年二十八夫亡二孤俱幼教養成立又皆卒撫孫亦卒榮榮子立節操凜然至八十九歲

言景容妻高妙清

年二十夫亡無子紡績養姑姑卒竭力營葬人稱節孝年至七十八歲

錢叔元妻徐氏

年二十五夫亡奉姑孝敬男

姚振玉妻陸氏

振玉早卒陸教二子榛鶴耕讀成家舅給事

骨歸葬至
九十一歲

徐德輝妻陳處柔

年二十八夫亡一女適張惟善亦早寡母女同居並著完節

盛恩妻王氏

生子賚汝二歲恩卒誓死不嫁族人利其更行而得聘財數強之不可一日見其撫孤而泣曰

笑道鄙語曰今年張郎婦明年李郎妻矣何泣也王氏立變色罵曰人頭畜鳴何為至于我哉吾生死于盛氏安知張李乎會歲惡絕食其弟王錦固請歸舍時大浸維舟戶樞母舉足且湊舟賚汝甫五歲止閩內牽母裾曰母舍此安適得非有他意耶兒寧留死于此不能從也母笑而摩其頂曰藐孤能為是言吾夫不亡矣盍從我歸依若舅錦家亦貧姊佐之治生作苦靡不為賚汝與錦子皆就傅讀書警敏錦大喜即以為子然遂欲絕之于盛姊心知指母子間行上恩墓出一笄與旁舍兒植一柏志葬處遂絕拜掃至賚汝貴乃即柏所在崇封焉賚汝弱冠中應天鄉試母曰孺子而忘而父乎而冒母氏也于是復姓盛初王氏之姪亦早寡哭夫甚哀然頗言衽席之私王氏曰是必不終先夫子之棄我也予惟憂飢寒死孩孺不立以負死者不自知其孤寡也今其言如此必有異志已而果更嫁姻

黨稱為知言益信其少之志節也賚汝嘗欲奏母節於朝以既贈宜人法不得復旌乃止

論曰既贈不復旌其制似乎不即人心旌以其節贈緣其子義不相掩也豈旌獎之典但施於氓庶而不可加於貴顯邪盛母之言行可為嫠婦式故詳著之

劉熙妻高淑潤

年二十二夫亡子定甫三月家貧甚以死自誓定又卒撫教二孫俱成立年七十餘

顧淮妻陳氏

年二十五而寡父憐之為築室舍旁以居教二孤成立至八十二歲

程景先妻瞿氏

年二十夫亡教子貫成立

蔣信妻顧淑真

年二十八夫亡子甫晬父母欲奪其志諷之曰蔣家弗顧汝矣欲為誰邪淑真泫然曰人

貴不虧其心令死者復生生者無愧耳非欲求知於人也以死自誓教子成立至七十餘歲

秦彥忠妻王氏

年二十三歲夫亡父母欲改嫁之不聽至七十七歲

列女

朱杲妻蔡妙清

王尚質妻葉氏

俱年二十八而寡守節以終

高通妻鄧妙春

年二十二夫亡遺腹五月生子鼎紡績為生先是姑病劇妙春割股以進病尋痊人稱孝

節至八十三歲鼎中成化辛卯舉人

唐霖妻朱氏

年十八歸霖生子甫逾月夫亡姑老久疾朱奉侍不解帶者半載骨立目枯年七十歲

姚鏞妻戴氏

年二十四夫亡子三歲守節以終

褚聰妻錢氏

年二十八夫亡守節至六十餘歲

蔣信妻顧氏

年二十九夫亡生子六歲守節終身

嚴文昌妻王氏

文昌以工役卒于京王時年二十七誓不再嫁以養舅姑

徐繼善母夏氏

年二十五夫亡力貧以養舅姑育孤子親黨未嘗識其面至八十一歲卒

徐完妻劉妙慈

年二十八夫亡遺孤三月截髮屏飾教子松由貢生任南康訓導守節至六十四歲卒

徐宅妻周氏

宅即完兄周氏二十八歲而寡與妙慈相依以守年七十而終時稱徐氏雙節

張鏐妻朱氏

年二十五夫亡子沛方二歲後業儒有聲

蔣勸妻徐氏

徐斌妻盧氏

劉寶妻許氏

沈常妻劉氏

周聲妻楊氏

章本妻孫氏

沈坤妻何氏

已上七人皆守節壽終見鄧志

贈吏部郎中丁森妻徐氏

夫亡撫子奉成進士

孫一元妻繆氏

年二十五夫亡繆每哭輒絕舅姑勉以立孤大義乃少輟哀教二子樓梓嚴甚嘗與客奕

亟索棋局投井中二子跪謝乃已樓舉於鄉梓亦名諸生繆戒曰名者上帝所忌願毋驚名有司表其門壽八十七

周某妻黃氏

欽之妹某卒黃復歸母家母衛患疾欽曰吾聞人肉可愈疾盍割股以進乎黃曰家督不可此

吾事也爭久之黃乃以刃潛置所祠神前祝之曰神許我刃當動刃躍動隨黃前遂取以割乳欽亦割股和藥汁以

進母尋愈兄妹皆無恙欽
四世孫時雨仕至叅政

錢勳妾周氏

年十六歸勳未匝月勳卒前妾柴甫生子周即
共撫之族人欲嫁之輿馬已及門周操刀直前
且哭且詈人皆避去得
如其志至七十六歲

王室妾朱氏

室娶趙無子妾龔生子環九歲室與趙相繼卒
朱時年二十五泣謂龔曰予二人惟此一息是
賴當戮力同心冀其成立相與
截髮誓志以撫之年八十一歲

錢文妾曹氏許氏

許撫娫盡恩娫亦故事之里黨推節孝焉
文子娫妾龐氏出娫三歲龐卒文又卒曹
許撫娫盡恩娫亦故事之里黨推節孝焉

丁高妻龔氏

高為人侈蕩龔性柔婉視高寵婢煦煦惟恐少
許高客死龔時年二十七誓曰曾祖姑徐安人
我師也因徙居家廟旁朝夕瞻
禮之教孤成成立文肅有贊

貢生繆熊妻崔氏

生成化癸卯迄萬曆壬午年百歲神明未
衰是夏階前有萱不植而生吐花極妍因
開百歲觴閭里稱瑞又二年卒壻陳莊靖誌其墓畧曰予
閒侍母聞母道曩時事輒自詫人世間多異狀母曰夫少

孤貧子身來吾家曉窓夜燭甚苦時念吾姑張吾憐之與
俱還茅屋糲食怡如也今則有姍笑其人窶人子者吾事
姑無敢失婦儀今則有目懾而脣稽弗問所欲與所患苦
者夫故豪不籌生事壯歲稍贏學宮廩及門人修吾銖寸
累生產得鬴粟以炊數椽以棲今則有務飾容觀以縻篋
藏不為終歲計者吾嗟仲子亨之無怙也俾學于伯子吉
吉久諸生如羈而亨取一第如攜吾不為仲喜而為伯憫
今仲舍吾去獨依伯以老吾不為仲思而以伯自慰吾之
初生歲穰人和有青亦間值寧有告饑不止如今日者自
吾作婦庭無胥跡今持牒而呼者至矣所遭乃爾令人厭
世顧須于世僅日一變歲一絮而
足彼勞生好積不厭者欲何為也

高祥妻許氏

嫁未踰月祥遠出不歸糞糞無倚嚴文靖知而
憐之授一厘守節以終嗣子葵之石梅之側後
有欲占其地者許憑人語曰我苦節一生此三
尺土如不可得當訴之上帝加其罰乃懼而止

錢鶴年妻王氏

年二十九夫亡抱從子庠為嗣入侍舅姑
輒引庠隨後庠仕至千戶王壽至九十

生員鄒淑妻周氏

年二十三夫亡撫孤孟
御成立至八十二歲

顧堯仁妻鄒氏

年二十一夫亡截髮以殉辛勤撫孤令耿橘楊連俱給額表之

生員孫四象妻沈氏

年二十三夫亡守節至八十四歲

瞿懋功妻凌氏

年二十而嫁嫁七日而懋功卒遺腹生子某守節教撫巡按御史褒之

李逢祥妻呂氏

年二十一夫亡毀容矢志子華萼俱諸生令趙國琦譚昌言俱給額與粟

顧仲實妻陳氏

年二十二夫亡奉姑教子至七十歲卒

周世恩妻凌氏

夫亡生子甫期月族人利其資逼凌改嫁至火其廬逐之凌刺節字于掌以自誓養姑訓

子至六十四歲

浦名世妻蘇氏

年二十夫亡無子無業夫祖父母俱存欲奪其志蘇屹然不移以終其身

浦濟世妻朱氏

年二十二夫亡濟世即名世弟也朱與蘇時稱一門雙節

錢蘭妻桑氏

夫以役死南京桑時年三十子繼宗甫六歲先是出嗣周某桑命歸主蘭祀守節以終

顧軾妻陸氏

年二十七夫亡無子孝養其舅舅舅歿嗣子破其家煢煢食貧以死

陳龍泉妻錢氏

嫁逾年夫亡遺孤道一甫晬孝養其舅終身

孝廉管一德母閔氏

年二十九夫亡鬻簪珥半市薪米半買書以課子飲泣失明一德舉鄉試日乃

復視壽至七十

進士錢順時妻卞氏

順時登第未仕而卒卞時年三十子世揚甫七歲截髮置棺中以立孤自誓舅

性嚴重奉事惟謹舅歿治喪事必先諸叔曰吾家婦弗敢後也分財產戒世揚無取贏曰若孺子弗敢先也世揚就外傳不假與顏色稍不如命則對案不食涕淚交頤居恒以剛常為典訓曰吾願汝為古人不願汝為聞人也

沈困妻程妙福

年二十九夫亡守節事舅姑盡其道教二子浙翰俱縣學生至八十歲卒

沈從吉妻宋氏

年二十八夫亡遺一子自勵宋上養病舅下鞠幼子迨舅歿歲凶益困乃依兄一廛以活

垂二十年自勵為諸生有司給額表之

列女

三

生員陳榮妻張氏 年二十八夫亡事姑盡禮撫子紹武 又卒撫孫成立知縣馮汝弼表之

呂敏公妻宋氏 年二十九夫亡閉戶欲自經祖姑狄責以大 義乃止狄卒殯葬盡禮教二子應科應魁俱

庠生令耿橘 楊連俱表之

陸棟妻蔡氏 年二十二夫亡蔡矢靡他會姑死蔡曰將父者 夫之責今則未亡人之責也事舅維謹立孤有

成年至七 十二歲

馮煥妻任氏 年十九歸煥未期煥卒遺腹生子述京 辛勒教育蔚為名儒至七十六歲卒

徐宙妻顧氏 年二十八夫亡守節至七 十餘歲卒子文起歲貢生

蔣安妻江氏 何地妻郁氏 二人見 管志

生員程謙吉妻韋氏 夫亡守節教子 至六十餘年卒

吳剛妻陳氏 年二十一夫亡遺腹子宇舅歿家難羣起從伯 誣剛無子陳攜宇告縣伯遁去又嘗充巨徭身

受桁楊後里黨欲舉節陳曰我 苦盡嘗我醜莫掩何舉節為

唐一麟妻盧氏 一麟有孝行早卒盧年二十九剪髮矢 節生養死葬悉出十指教撫諸孤成立

孫廷嘉妻陳氏 莊靖公女二十八喪夫上事再世中嫁兩姑 下撫孤子又以餘年慈及曾孫辛勤拮据六

世賴之有司褒 旌壽八十五歲

陳國器妻瞿氏 年十九夫亡食貧苦節感動閭里教 孤胄樞由武科授守備撫按歷獎之

周監妻徐氏 夫亡時年二十一懷妊三月為強宗所迫備歷 艱辛守節五十餘年教子光顯由歲貢任靈璧

教諭撫按 皆獎之

承事郎夏文奎妻陸氏 桑良遂妻王氏 居叻妻季氏

生員葛大信妻錢氏 王煥妻李氏 五人見姚 宗儀私志

黃鐘妻沈氏 黃鈇妻鄒氏 隆慶二年鐘鈇兄弟相繼亡沈 時年二十二鄒時年十八皆赤

貧堅守令
段然表之

李天德妻丁氏 年二十六夫亡食貧撫孤至
八十六歲巡按路振飛獎之

生員錢輦妻王氏 早歲夫亡養姑盡力撫孤顯忠入膠
序孤歿勗諸孫世其學守節四十年

陸應徵妻瞿氏 年二十八夫亡撫遺腹子葬舅姑及
夫苦節五十年巡按祁彪佳褒獎

舉人浦爾涵妻李氏 夫亡茹苦食貧拮据喪葬撫孤
柱明成立巡按祁彪佳給獎額

席允寬妻秦氏 年二十九夫亡撫子應選領天啟甲子
鄉薦守節四十餘年巡撫張國維獎之

生員錢安修妻高氏 年十九于歸生三子而寡營葬
三世五喪苦節三十餘年卒

邱堅妻錢氏 萬曆中堅行華蕩大風溺死氏覓屍不得行號
久之奮身投河屍遂浮出漁舟急救得不死教

養遺孤茹荼集
蓼者四十年

馮觀海繼妻曹氏 年二十八夫亡撫
孤成立有司旌之

生員譚遇妻周氏 年二十六夫亡壽至七十二歲
教子光宗入仕令譚昌言旌之

沈兆暘妻徐氏 兆暘父從龍為訓導鉛山兆暘隨之父子相
繼病歿徐盡鬻其粧奩扶喪歸葬時年二十

七至七十
三歲卒

張恢祖妻蔣氏 父叔鳴罹凶禍死氏無兄弟以弱女子長號
赴闕下竟曰父冤適張而寡苦節四十年

李元會妻丁氏 年十九夫亡不食欲死姑固止之乃寢食棺
旁無子嗣子又殤有穰其業者丁曰未亡人

旦暮聞耳何庸較尋請于姑歸寧父亦無子且多病嘗指
之曰吾女女而不婦可哀也然吾賴以代子矣氏操作事

父又事姑父與姑相繼歿氏
皆葬之巡撫按皆旌其閭

易薰妻錢氏 年二十五夫亡子晉甫三歲歸依父母父母死
依兩弟兩弟又死晉娶婦婦死生子女亦死

年四十餘年晉
再娶乃有後

保定守王夢鼐妾張氏 夢鼐娶于龔有淑德慮弗子置筵娶
戴及張戴生子家震張生子家又鼐

卒時戴年三十張年二十四張誓與戴同守未幾戴
歿張撫二子教養婚娶纖悉必均有司給額褒表

朱亮妻蕭氏

亮早卒撫子嘉徵早夭嘉徵妻許氏時年二十
三撫子廷端又天廷端妻東氏時年二十八撫

子昌齡又天昌齡聘韓氏年僅十四未婚也昌齡死韓攜
其雙履歸日夕對之泣不半載亦死四世貞節竟無後

工部員外趙士履妾蕭氏

士履初娶於歸繼以徐徐質弱乃
置筵娶蕭蕭事徐如母又能承奉

太安人士履卒時年二
十五辛勒育孤以壽終

生員譚景曜妻錢氏

景曜早歿氏教五子一登鄉薦四為名
諸生年八十子孫二十人無疾而逝

錢世濟妻周氏

濟世墜水死守節
立孤壽九十一

鄧顥妻錢氏

二十九歲喪夫食貧撫孤
壽七十六令湯家相獎之

錢建武妻戴氏

年二十五夫死育子天錫又天
撫孤孫不替巡按李森先獎之

陸順德妻夏氏

二十六歲守節至七十餘撫
孤成立巡按祁彪佳旌之

孫邃徵妻張氏

年二十夫亡遺孤未晬苦節三
十二年卒都昌令楊彛作傳

王永妻張氏

生員錢汝為妻夏氏

早寡辛勤立孤
壽八十有三

何芾妻歸氏

年二十五夫亡艱貞矢節姑以哭子喪
明氏孝養七載一旦復明人稱孝感

國朝

章淳妻薛氏

年十七歸淳乙酉秋游兵掠城舅與夫皆被殺
氏倉惶投井兵挽其手破其顱而死經數日顏

色如
生

言閭如妻某氏

夫婦出文學里避兵遇兵于塗牽氏去言持
婦臂哭兵斷其手而殺之氏太罵亦被殺

瞿某妻蕭氏

聚一家長幼泣曰吾家數口左提右挈行
將何之出門徒受辱耳偕妾婢共投井死

徐萱妻沈氏

萱及二子被殺二媳俱不屈而死氏
戰手大罵被砍數十罵不絕口而死

蕭爾亨妻許氏

太學重光女爾亨為亂兵所殺氏且哭且罵奪佩刀自刺兵怒而磔之斷其手足罵不止

去兩乳聲始絕棄尸于河

生員潘興玉妻時氏

給諫敏之姊乙酉七月十四日城破興玉夫婦與一婢欲出東門不數舍倉皇

相失氏避道旁空宅兵隨至露刃脅之行氏厲聲曰我儒家婦豈從爾行耶遂砍之罵不絕口又砍之啜以血又砍之遂死婢伏門闕上見慘狀越數日斂之色如生興玉亦死前巷

張敬懷妻某氏

與其女並遇兵誓死不污俱被殺

陸祚妻馬氏

順治二年亂民劫掠夜入陸室殺其一家三世幾盡焚其廬劫其家產氏從煙焰中攜六歲兒

逃脫矢志復仇甫旬公庭告哀三載惡黨並伏誅六歲兒得延三代一脉令于宗堯表之

蔣暹女織素

母歿哀毀父謀避兵曰兵戈滿地何處求全中夜焚香向母柩哭拜闔戶自經

陸際可女

適于宋而歸寧兵至投井死

孫蘭階妻陶氏

吳嘉魯妻錢氏

陸廷祥妻徐氏

生員程游鶴妻顧氏

李尚妻劉氏

馮某妻蔡氏

狄某妻某氏

顧懋譴孀母陳氏妻魏氏

已上俱遭亂恐受辱赴水死

趙烈婦某氏

少歸大趙莫考其姓趙故某宦僕其僚亦同姓稱大趙別于小趙云爾氏美而莊主人數挑之

不為動一日巷遇不得脫氏泣謝曰夫人嚴知之且徵死敢相從乎主人乃具告夫人夫人固不妬曰吾為若媒乃貴遣大趙遠行期事竣而返主人出赴宴夫人召氏入室盛供帳與之坐曰主人憐爾爾善事之毋違主命也夫人出戶旋閉門不得出及暮主人歸夫人酌酒賀曰吾已為媒請若就宿啟門而入乃寂然無聲呼之不應舉火燭之則縊死矣此順治初年事也

論曰臧獲至賤也縱使失節非刺之所不加而大趙之婦

乃如此可貴哉濯淖污泥之中蟬蛻於濁穢孟子謂人性

皆善羞惡之心人皆有之不其然乎不其然乎

張瑋妻邵氏

年二十四方許字瑋是冬瑋未及娶而卒計聞即吞金自盡未絕又自經死

席永敬妻諸葛氏

年十九喪夫甫生一女及三載服闋女能飲食一夕自經夫柩旁

袁壽妻譚氏

夫亡撫孤守節疎戚戴佛戴壽逼令改適氏誓死不從懸梁被救飲刃而歿總督赫壽題旌

沈聘妾曹氏

聘年六十餘喪其子謂曹曰沈氏留此一線吾宗若絕乎惟汝即不絕亦惟汝對曰此子不植斷不獨生聘歿

甫三月族子某某利其所有陰通媒灼夜半排闥入牽掖登舟曹悶絕舟中良久甦舟已泊岸見郊屋中列炬成行有媒嫗好言慰藉曹伴謂曰吾子在彼不忍頃刻離誠得攜來撫育縱改節無所悔往返取決時已雞鳴其家願如約媒嫗簇擁登岸曹乃勞面被髮哀號聲徹野旁有勸者乃厲聲曰若輩安知大義世寧有一婦人而事二夫者乎若必相逼以頸血濺此地令若輩見之于是毀其器物撞其門牆長號不絕天明觀者如堵聘有孫壻聞而來救諸縣令高登先按治族子追給貲產俾母子完聚于是沈

烈婦名著邑中

陳藝先妻蔣氏

藝先早世無子誓死靡他其有狂夫華姓者陰謀奪志蔣棄其女投淵而歿時康熙壬申九

月二十二日也令趙濬表其墓

徐茂滋妻蕭氏

嫁二年夫亡徐年甫二十哭泣失明葬舅姑撫孤子艱苦四十餘年巡按御史秦世禎題

旌

生員張溯夔妻子氏

二十二歲夫亡撫六月孤營葬三世六

諸生祭酒猶嚴訓不少寬假年七十有七巡撫湯斌題旌

張素詒妻趙氏

早寡矢志督學張泰交題旌

汪鳴玉妻陳氏

年十七鳴玉客死撫六月孤之蕙成立巡撫慕天顏題旌之蕙又早世妻吳氏年二十二

歲守節撫孤逾三十年婦姑苦節如一

王子黼妻李氏 年二十三于歸越五年夫卒夜半自經姑奔救得免諭之曰吾死乃可以行爾志李泣而

受命家酷貧事親撫孤備歷艱苦歲旱蝗李驅且祝曰吾以供甘旨也其稼獨完夫未葬時鄰人失火延燒及屋李撫棺號慟願以身俱須臾風回火息康熙四十二年題旌

其明年姑卒李哀毀甚未逾月亦逝蓋符其姑之初命焉子元勳復以孝行上請得春秋祭

生員錢亮妻李氏 江陰忠毅公應昇之姪年二十五而寡毀容矢志巡撫洪之傑題旌

倪逢濂妻胡氏 年二十三而孀撫孤養

賈玉如妻王氏 年二十五而孀撫孤養

邵爾旃妻孫氏 年二十七而孀康

沈錫禧妻邵氏 年二十八夫亡仰事俯育四十年如一日有義女竟以哭夫卒人以爲有是母乃有是女學使張泰交題旌

殷鉉妻王氏 佐夫孝養姑嘗病日以舌舐之而復光

許世勳妻徐氏 年二十夫亡撫九月孤惠連成立

席永恒妻蕭氏 青年守節奉姑教子

任君瑞妻張氏 守節三十年子琳叩閣請旌奉

王松齡妻錢氏 姑病目錢朝夕餬之復明後患噎則進乳

太學翁松齡妻李氏 年十九婚甫匝月松齡入粵省其父澄

氏將死之其父曰汝爲翁門婦尚木見而舅也盍俟諸其

太翁曰死易立孤難婦勉旃氏泣曰孤安在將誰立太翁

命兩歲兒爲之後乃忍死撫之及太翁與舅姑相繼歿養

生送死一未亡人獨肩其任守節三十四年康熙五十三

年 旌

太學顧永錫妻李氏 夫以久侍母病積勞卒李時年二十二

康熙五十七年旌

蔣鵬扶妻張氏

蔣炳妻徐氏

楊漢妻陸氏

三人俱康熙六十一年旌

贈尚書翁毓芳妻趙氏

文毅公用賢孫女趙族鼎盛而氏安儉樸會伯氏家難作獨奉姑寢膳獄

方急戒左右不以聞陰售奩飾為伯氏費毓芳早世家貧歲侵糠覈不飽教子不倦仲子叔元貴誥贈一品太夫人

趙士功妻陳氏

大司空必謙女于歸荆布操作不異寒女鼎革時有姊寄筐篋物其家無知者姊死還之

封識如故其介守如此子世鐸成進士

劉佩蒼妻張氏

年二十九夫亡伯某欲奪其志訟之官笞其伯氏志益堅恩撫一女適邱斌亦早寡朝夕

教女以大義竟以苦節卒乳孤子艱辛萬狀令趙濬得其實將題旌氏曰吾自守吾身報舅姑及吾夫于地下耳

不求聞於人也堅辭之康熙庚寅臘月望日祭舅姑及夫焚趙令旌獎案卷而卒壽八十有四

進士曾振甲妻周氏

振甲授官未之任而卒遺孤倬甫二歲遭逢百罹辛勤萬狀日夜稱述古聖賢

道義誨孤進德修業苦節六十年壽至九十歲

生員錢廣妻章氏

夫亡氏送往事居大喪大獄稠疊連染而撫孤守節四十年如一日

何述臯妻秦淑

通文翰述臯病歿淑破古鏡以半貯棺半自佩哀夫生平手割置袖中號泣覓死家人嚴

守之乃絕粒數日而死作絕命辭曰生死情無無異吾心戀九泉三生諧老願今日鏡重圓

趙闈妻何氏

年十八歸趙踰年昌卒無子歸寧父母以家務委之左右奉養惟謹年八十二而終

錢國輔妻言氏

夫亡守節筆門圭竇中莫有識其容聲者

吳士傑妻王氏

崇禎間士傑以民運白糧至京卒王時年二十三堅志守節令湯家相巡按李霖先表其

閭壽七十陳瑚誌其墓

生員顧璟妻錢氏

璟鬻臂療母瘡潰經年而卒錢年二十五無子抱從子祚為子奉姑甚孝令湯家相

旌之

周孟元妻邱氏 年二十六夫亡一女三歲田廬為族人所攘邱緝績度日手自編茅蔽風雨後依子婿邱

園年七十五以苦節終

祝萬春妻沈氏 孀守五十年令湯家相旌之

王允昌妻貢氏 年二十八夫亡遺孤甫十月苦節四十餘年有司旌之

王武昌繼妻曾氏 夫亡教撫二孤守節三十餘年

葉日光妻程氏 故歙縣人年二十九夫亡遺孤四人會山賊竊發所在犇竄聞從叔在虞提諸孤微服間

行七日夜乃達底定安集者有年乃卜葬地遣子迎父柩

柩且至謂諸子曰向者不死惟念汝等未成立耳今可報汝父地下矣遂不食諸子婦孫男跪進食不應越一昔跌坐而逝遂同穴以葬年七十有四

吳君酬妻徐氏 二十一歲寡子若海遺腹生吳故江陰沙山

聞其叔伯欲嫁之氏一日五鼓從其母浦負孤子鳴之官吳之叔伯懼散去乃得歸母織子畊守節五十餘年

生員王得雲妻李氏 宛山人年二十八孀居忍死育前妻之

度無可避躍入河氣且絕有陸嫗負之出苦節三十七年

柳士榮妻殷氏 二十七歲士榮死無子一女許字余生浩未

笄而死氏孤苦萬狀誓死不忒生浩高其義養之終身年至九十有二令湯家相表之

徐朝綱妻張氏 堅節撫孤壽至九十令湯家相表之

魏耕妻張氏 早歲守節養姑教子艱苦四十餘年

生員王孫藝妻丁氏 孫藝為南漳令履昌子少有文名攻苦

撫育三十餘年令林象祖表之

呂維武妻朱氏 陸蕃妻嚴氏 俱年二十四而寡奉姑

蔣滙妻陳氏 大司空必謙女年二十而嫠遺腹子枝芳早世復撫孤孫至七十三歲

蔣國璫妻陳氏 崇禎末喪夫青年遇亂撫弱子成立壽七十餘苦節四十年令張紹戩表之

譚泰亨妻黃氏 夫亡子幼叔謙亨又卒氏與介婦沈妯娌相依年至七十令林象祖表一門雙節

孫球妻馬氏 年十七而嫁未三年夫亡遺孤濂方在襁褓盡瘁教育濂壯復天氏率孀媳撫兩孤成立

汪霖妻吳氏 年二十孀居勵節撫子成長參議盧紘嘉獎

郭維城繼妻陳氏 笄齡來孀越十載夫亡堅貞自勵壽七十五歲令林象祖表之

鄒延孟妻胡氏 年二十七夫亡三子俱幼堅持苦節令趙濬表之

陳萬善妻高氏 年二十七夫亡守節六十年壽至八十有六糧道盧紘表之

生員金籍妻陳氏 年二十四生一女甫七月苦節五十年壽至七十餘令于宗堯表之

王琬妻馬氏 進士尹之姊年二十四夫亡言笑不苟貞守四十年署邑郡丞郭朝祚表之

謝貺妻馬氏 庠生應桂女年二十九夫亡苦節三十二年

程起圖妻吳氏 夫原籍新安服賈不歸氏年二十七撫二幼子拮据四十餘年壽七十令楊振藻表之

許席之妻顧氏 席之早卒無子其亡兄止一子顧撫之授之室夫婦俱死氏苦節五十餘年

孫江繼妻蔣氏 江早世撫孤養親苦節五十年郡守陳鵬年表之

孫若水妻陸氏 年二十九夫死守節孝養尊章壽踰八十令趙濬表之

嚴士焯繼妻袁氏 夫亡時年二十九守節至八十乃卒詳見錢良擇詩天虐奇女等奇士有能奇者必

虐之疑天寔愛此閒氣不忍以樂羈其奇困厄顛倒窮鍛鍊可使萬歲千秋垂昔人確持此論者歐陽永叔韓昌黎我今親見奇女子不見奇士亦已而吾友嚴子坪示我讚佛詞意質語慘淡吾訝作者誰嚴子歎息言家有七十婆世父娶沈復娶袁歸一載夫病危六年床褥遂長往有女無子無立錐身殉夫骨何所托未亡人請為孤兒鬻指盡腥旭豈求禦寒飢夫葬沈次嫁女女亦失偶孀相依血乾髓竭肉枯槁留此鐵骨撐霜皮搜索五內無剩暖冰雪凝結心肝脾慟哭四十年荼毒甘如飴飯命西方教誨誦無廢時衝口忽成章莫之為而為國家舊有旌門典表

今鄉黨且莫知闡幽揚善立言職求有言者先生宜我素事佛人聞此深思維佛法重苦行行苦則悟隨木魚經卷坐飽食睡夢死盡空門尼表之異尼止兩鬢苦倍尼百心忘疲磨鏡發光明此理無可疑是真奇女子紀異我敢辭子長筆以奇試力我亦為表為此詩

嚴琳妾尤氏 琳元配張無子氏年十八副其室生子士燿六月而琳卒苦節六十四年壽八十有一

顧宗周妻張氏 于歸四年夫亡孤諱天未周歲氏善持門戶教子成立苦節四十八年令趙濬表之

進士趙世鐸繼妻陳氏 大學士元龍妹貴而能勤早寡撫嗣子如己出卜葬地預為己壙以矢志

陳復仁妻姚氏 陳故素封復仁與厥考死喪相繼遺孤聖典甫週歲外侮內訐獄訟交作氏能以一木支

傾厦清操 三十六年

何濟滋妻朱瑛 年二十七夫亡守節養舅姑喪葬盡禮令陶濠表之

顧曉岳妻潘淑清 年二十九夫與舅姑相繼即世下無子女族人覬覦遺資朝夕逼嫁淑清營葬後以

其家讓族人子身依母家母歿居家廟中一婢相隨紡織度日以終

祝士旦妻聞氏 士旦早歿氏忍死撫孤苦節垂四十年督學張元臣表之

任紹孟妻言氏 年二十歸任三年夫亡閉戶自經家人救甦每食必舉案如夫生時食必哭哭必慟疾不

冑治遂歿令 黎龍若表之

潘隸楚妻花氏 年二十七夫亡子甫三歲守節至九十歲參議馬逸姿表之

生員翁胤祥妻張氏 年二十四夫亡無子矢志守節足不出閫壽至七十

浦肇慶妻葉氏 年二十四夫亡孝養舅姑成立二子巡撫湯斌表之

趙國瑚妻屈氏 苦節四十年令陶濠表之

劉雲昭妻金氏 雲昭弱冠而天金時年十八孝事舅姑撫子成長而卒

錢天錫妻孫氏 年二十二夫卒盡瘁撫孤苦節四十餘年令劉毓琦表之

王孫芳妻許氏

夫亡時年甫十九矢志不二晚年通梵典著華嚴元論二卷

汪秉文妻董氏

夫亡無子幼弟為之後守節至六十二歲

陳聖誌妻張氏

年二十二夫亡奉姑鞠子守節三十餘年

顧樹植妻曹氏

年二十三夫亡孝養舅姑教撫孤子苦節四十四年

王時卿妻楊氏

青年守志又遇火災茶苦楮柱奉養舅姑力營殯葬郡守趙祿星獎之

程允元繼妻湯氏

幼通孝經內則諸書年十八于歸夫亡時年二十五截髮自矢備歷艱辛命其伯子

曰忠仲子曰孝曰聖賢萬卷詩書大義要不外此汝曹勉之令陶濶褒獎

姚永隆妻韋氏

年二十九夫卒事親撫孤苦節三十四年

張再華妻翁氏

年二十七夫亡事姑撫孤令陶濶表之

殷汶妻屈氏

年二十四夫亡苦守五十年

殷浩妻楊氏

年二十九夫亡卒年六十一歲

殷進妻楊氏

夫亡時年二十九歲壽七十有四

殷王祚妻李氏

二十歲夫亡矢節至七十餘歲

沈詩軒妻周氏

早寡經營喪葬教子成家年至八十有二

嚴柱繼妻郭氏

年二十四柱鄉試病死會城子燈甫三歲氏內行蘄蘄年至六十七

葉懋誠妻趙氏

副使延先女年二十七夫亡撫週歲孤成立殯葬尊親櫬揭苦辛三十餘年如一日

錢象頤繼妻王氏

二十五歲夫亡矢節撫嗣子成立

李清芳妻蘇氏

年二十七夫亡諸孤並幼家空窮氏辛勤措柱者四十年子時白闡揚母節閭里稱孝

花景秀妻陶氏

二十七歲夫亡一子幼殤衣食皆藉十指雖凍餒不告哀于人以壽終

毛伯華妻王氏

撫孤子瑞成娶媳王氏生孫而子瑞天姑婦並以節稱

譚士端妻蘇氏 年二十八喪夫撫孤六十年

席啓進妻顧氏 年二十四夫亡無子田宅俱為族人所占氏紡織自給守一女終身

顧祥妻蔣氏 年二十一夫歿無子孀守三十年令張紹戩獎之

蔣昌瑞妻王氏 嫁未三年夫亡止生一女事後姑盡孝苦節三十年

嚴榜妾羅氏 年十九夫亡遺孤杰甫再期艱辛教育壽至八十有三

陸光曦妻張氏 年七十四布政使司劉殿邦表之盡瘁營葬三世七棺

錢裔龍妻衛氏 裔龍早世遺孤亦元方在襁褓辛勤教育食餼膠庠年七十餘學憲張廷樞嘉獎

李鑛妻王氏 年二十四夫亡撫七孤備歷艱辛而卒

李汝忠妻馬氏 年二十七夫亡壽至七十

生員陳炳妻戴氏 炳早世守節三十餘年擢守道王縉表之

生員陳文燦妾姜氏 督學張元臣獎之

張鳳翥妻貢氏 二十三歲夫亡教遺孤聖謨成立年至六十有四

王用九妻周氏 用九早世舅罹無妄之訟貲產蕩然悉出叙珥以給遺腹生男辛勤教育所居近市子姓

白事門庭肅然令陶濼表之

朱雲昭妻申氏 吳郡人文定公從孫女雲昭早世撫遺孤五人事兩代尊親以慈孝聞家裕而持身甚約

朱雲集妻王慧 字蘭韞太倉人乙未進士發祥女丙辰進士吉武姊讀書秉禮早喪所天簾櫳深掩所著

凝翠集不示外人年至七十餘兄吉武見之乃付梓行世

錢孫臨妻馮氏 習禮明詩事舅姑盡孝雖伯氏富厚舅姑獨樂就臨養夫亡苦守有鄰女再醮歸寧而盛

裝勞氏曰胡乃自苦曰吾惟不為汝是以苦也鄰女大慙不敢復出

龔端妻張氏 庠生張星六之女夫亡撫遺腹子詒福仰事俛育備極艱辛

范育生妻王氏 早歲守節辛勤保孤至老令章曾印褒之

錢文妻徐氏 結褵半載而贅依其舅啓以守曾遭強暴侵逼卒不點辱巡撫湯斌懲諸強暴表徐之廬

潘行之妻宓氏 年二十七夫亡勤儉操作修復世業守節四十餘年當道嘉獎

張太素妻吳氏 年二十九夫亡子又載甫四歲砥節撫孤年六十餘

李汝孝妻平氏 汝孝早世與其妣馬氏並著苦節

徐心九妻沈氏 年二十二夫卒一女又殤叔盡廢其產氏怡然曰未亡人固無需此也藉紡織以老焉

徐君常妻陳氏 年二十七夫亡撫三子成立衣食皆取辦十指令黎龍若表之

徐季方妻顧氏 年二十七夫亡無子經紀家政修葺祠墓贖夫族子女之鬻於人者令章曾印表之

俞利哉妻陳氏 二十七歲夫亡撫二齡孤子璿壽至九十四歲

李蓮若妻丁氏 二十三歲夫亡撫遺腹子今守節五十年

徐雲鵬妻李氏 管廷綸妻屈氏

朱繼善妻沈氏 馬仲良妻鍾氏

黃焯妻陳氏 沈元鼎妻王氏

譚桂山妻李氏 潘陞妻沈氏

徐保滋妻王氏 徐寶珠妻顧氏

謝登妻蔣氏 徐宗元繼妻衛氏

盧國華妻丁氏 令張燦然陳守創俱表之

生員言福女 七歲喪母許字張鑛鑛遠遊不返或諷之女截髮矢志足不踰閩令于宗堯表之

李維麟女 年十七將婚席稷而夫亡父欲改字女覺即不食五日幾死舅姑感其誠迎歸撫叔之子如已出刻苦勵志雖屋圮糧絕未嘗出戶或餽薪米亦不受行年七十不妄言笑

徐三奇女 年十歲父以事遠竄吏逮其母赴省會倉猝不得

禁所與母相依尋思赦得還家既前毀父無音問母又改適女獨棲墓舍紡織自給終其身

顧氏女 居新市父許字鄒月如未嫁夫亡女聞計哭泣幾不

木主歲時拜奠舅姑歿哀戚如婦禮及葬舅姑附夫于旁曰吾生未同室死必同穴以完節終

毛在文女 許字於周年十八其夫殤女長齋素服終日不

言不笑病不甯治及聞翁姑連喪一慟而絕

已上悉本前志所載者詮次之先殉節次守節先旌表次

未旌表繼以未嫁守貞者

頌

恩詔內旌表二條 一旌表節義乃彰大典每見直省地方有

湮沒無聞深可憫惻著督撫學臣及有司遍加採訪務使寒苦守節之家同沾恩澤至節婦年逾四十而身故計其守節已歷十五載以上者亦應酌量旌獎該部議奏一旌表節義給銀建坊民間往往視為具文未曾建立恐日久仍至湮沒不能使民間有所觀感著於本地公所設立祠宇前後忠孝節義之人俱標姓氏其中已故者則設牌面於祠中祭祀用以闡幽光而垂永遠該部議奏

方炳先妻毛氏 二十九歲寡 雍正元年旌

陳炳妻高氏 二十三歲夫亡 雍正元年旌

歸沅妻黃氏歸澧妻錢氏 沅澧兄弟皆不永年黃與錢孀守

立其孤錢子楷黃嗣子承祖並有聲譽序雍正二年旌

屈永浩妻翁氏 雍正二年旌

衛炳範繼室陳氏 二十九歲寡壽至九十 雍正二年旌

高捷妻秦氏 二十七歲寡 雍正二年旌

太學生邵湮繼妻歸氏 二十歲寡撫前妻子 如已出雍正二年旌

監生張列星妻李氏 二十七歲寡無子自經救免撫嗣子事 繼姑葬三世喪持門戶備極艱苦雍正二年旌

二年旌

景象泰妻葉氏 年十八適景逾年夫亡孤流慶生纔十七日 起其家雍正三年旌建

坊梅李鎮景氏祖祠旁

霍功臣妻倪氏 雍正三年旌

翁祖恩妻蘇氏 雍正三年旌

許子野妻包氏 居東唐市早寡事病翁撫嗣孤國初亂兵肆 掠氏抱兒伏蘆葦中匿翁他所得並全黑夜

盜入其室潛立給盜曰主婦在彼幸得脫及盜敗人爭取 臧物氏獨曰我無是也族人以田產啓覺視孀孤為凡上

肉氏以理扞之卒保厥家而 成立其孤天錦雍正四年旌

王臣吉妻繆氏 二十六歲寡 雍正四年旌

王嶼妻馬氏 二十三歲寡 雍正四年旌

徐寶善妻錢氏 二十七歲寡 雍正四年旌

錢子文妻徐氏 年十七成婚半載夫亡舅姑及氏母念其年 少微謀改適遂啓強暴之心乘隙逼嫁氏斷

髮毀容屹不可奪知縣高士鵜 治強暴罪表其節雍正四年旌

王路淳妻徐氏 二十歲寡 雍正五年旌

嚴鎮妻錢氏 雍正五年旌

蔣君佩妻徐氏 二十八歲寡 雍正五年旌

周受豐妻單氏 二十五歲寡 雍正五年旌

名文系志

卷十

列女

三

陸暄妻顧氏 二十六歲寡 雍正五年旌

曹奕昌妻項氏 二十三歲寡 遺腹子及嗣子嗣孫輒相繼 歿乃嗣其疏屬毓壽為後 雍正八年旌

胡廷錫妻黃氏 二十二歲寡 雍正八年旌

廩生譚爾表妾馬氏 二十九歲寡 孝奉君姑教子紹隆成 進士卒年八十二歲 雍正八年旌

瞿雲倬妻許氏 二十九歲寡 八十一歲歿 雍正八年旌

黃御安妻郁氏 二十二歲寡 雍正八年旌 已上旌表

詳請不由本邑者具見常熟志中其未奉

恩旌先邀有司採錄及幽芳待闡者照舊例附後

孫弘業妻姚氏 嫁甫兩月夫游學而歿 忍死以撫嗣子現請題旌

許雲上妻殷氏 十七歲寡 今孀守三十二年現請題旌

生員沈張嵩妻朱氏 二十九歲寡 忍飢操作仰事俯育知縣陳守創表獎今孀守三十三年矣子宗

鎬以兩中副榜準作舉人

周世祥妻王氏 二十四歲寡 撫二歲孤守節四十年知縣于宗堯扁表

生員陳國鼎妻顧氏 二十九歲寡 閉戶作苦終身如處子年至八十有八糧守道臧大受表之

程誕先妻江氏 二十一歲寡 孀守三十六年而歿知縣高登先表之

許開運妻蔣氏 二十二歲寡 五十三歲而歿知縣喻宗棿表之

鄭有登妻蔡氏 二十九歲寡 現年九十歲曾奉學院林扁表

陳贊美妻錢氏 二十二歲寡 七十三歲而歿知府孟光宗知縣彭子將表之

周師旦妻譚氏 年二十而寡 一女無子孀守四十八年署令郭朝祚表之

衛鈞妻朱氏 二十二歲寡 四十二歲而歿知縣陳守創表之

吳振祁妻錢氏媳鄒氏三世單傳兩世苦節錢氏署令陳圻表之鄒氏知縣陳守創表之

刁可就妻朱氏年十九夫亡屏飾茹素四十餘年糧道劉殿邦表之

謝翰妻徐氏早寡無子孀守三十餘年知縣趙濬表之

吳周繼室厲氏二十九歲寡期年自縊糧道馮景夏有記

監生錢德坦妻張氏二十三歲寡奉孀姑撫嗣子盡恩義糧守道楊本植知縣陳守創表之

生員許重光妾錢氏適許二年夫亡事女君撫適子惟謹年八十三知縣趙濬表之

李燦妾徐氏二十七歲夫亡五十九而歿知縣成之英表之

監生吳麟妻程氏二十七歲寡五十六歲歿知縣陳守創表之

吳觀宸妻王氏二十九歲寡今年八十曾邀知縣陳守創表獎

張豐繼室劉氏嫁未一載夫亡知縣勞必達表之

王雲蔚妻丁氏二十七歲孀守現年五十五歲前令陳守創扁表

生員周楨繼室王氏二十五歲寡撫前妻子如已出善事孀姑學院俞扁表

程暘妻邵氏二十七歲夫亡八十六歲而歿知縣張紹戩扁表

生員張學思女割臂肉以療母疾布政慕天顏扁表女後歸瞿永孝

許德公妻蔣氏知縣喻宗榷表之

王雄馭妻邢氏二十九歲寡七十四歲歿學院張廷樞知縣章曾印扁表

徐國瑞妻唐氏二十八歲寡現年七十六糧守道王英謀曾扁表

生員錢孫振女父亡無後女不嫁為尼知縣馬暹署縣事陳圻俱扁表已上扁表

張世恒妻褚氏二十夫亡守節秉禮通書史其臨終詩云待死光陰日抵年闕心菽水百憂煎高旻不改

蒼蒼色獨有寒門墜却天又云破鏡歌殘夢亦愁此身久已視浮漚黃泉有路津休問收拾歸裝趁柏舟

程忠謀妻周氏 早寡無子閱三十餘年 姑老女嫁母亡乃自縊

程公翼妻張氏 二十八歲寡舅姑早歿子女前死 糠粃延生眼淚洗面今三十六年

陳某妻蔣氏 氏潭塘人嫁貢生陳煜子早寡矢志不二父公 媒煜貧且老利其財許之而蔣氏固未知也及往迎其父 亦勸女曰若無此歲月遙遙此身何倚氏含淚不言良久 云若果如此吾當屏擋衣篋少緩須臾可也至夜分失所 在跡之則抱石沈邨外小溪中死矣于是公求暨煜分詞 控前令趙公獄未竟趙令解任去罪人竟以賄免未幾子 達茂卿相繼死有羅君亮者陳氏戚也當子達謀聘時曾 居其間病中見青衣拘至城隍廟子達茂卿先 在俱極刑而羅以未受錢薄懲釋還尋亦卒

孫之炯妻屈氏 二十六歲夫亡無子家酷貧自經 救免卒刎死柩前去夫歿十四日

馮建中妻周氏 馮病狂不娶氏涕泣語親願往侍疾嫁二年 夫狂甚不知所往氏無子忍死以奉姑終今

孀守四十 三年矣

王胤嘉妻顧氏 二十七歲寡守 二十一年而歿

徐治綱妻吳氏 二十六歲寡現 年四十有七

顧鼎豐妻華氏 二十五歲寡 守三十五年

張士鯨妻朱氏 二十四歲寡 守四十四歲

王煥章妻范氏 二十四歲寡 守三十七年

彭枚臣妻譚氏 二十七歲寡 守三十七年

胡殿臣妻蕭氏 二十四歲寡 守三十二年

胡子清妻楊氏 朱孝克繼室沈氏

王芳侯妻葉氏 馬維仁妻陳氏

唐蕙如妻吳氏 楊廷鼎妻邵氏

列女

譚振之妻顧氏

倪起鳳妻沈氏

二十九歲寡今孀守三十一年

昭文縣志卷十

養河東臯閉門息影會邑侯創舉新志敦請編纂鄉先生復重相誣諉固辭不獲退而自惟老不曉事或可假此以諮故實討世務辨於邑之族姓世系及賢士大夫之節義政事文章是亦為學之方非但閭史之役也黽勉削橐不敢率爾然而甚慙有朱王鉉王應奎譚位坤者多識而信實資其啟告云陳祖范謹記

明之典示

言分

